

南
州
草
堂
集

南州草堂集卷二目錄

古今體詩

出門

許墅夜泊

蘭陵道中有懷

曉發京口

過金山

舟過燕子磯作

登燕子磯

三山阻風

過牛渚采石諸山

蕪湖晚泊

螺磯

舟中寒食

雨中莊彥公學博招飲

思江南

祝崑崙郡司馬初度

雨中登樓曉望

雜感

登院江城樓

送程然明歸吳門三首

懷家兄客齊魯聞將至魏博

夢遊天柱峰歌

郡齋雜詠六首

并序

木菴

東橋

也足亭

州風閣

文伯閣

來青樓

露坐有懷

寄陳伯璣

寄潘蜀藻

寄曾青藜

署樓登眺

擣衣篇

江北早鴈

太平寺

秋盡走馬尋皖江諸勝

九日遣懷

寒夜署中觀劇卽事四首

家書至

懷葉元禮客真州

署中除夕和少陵杜位宅守歲韻

己酉元旦

真乘寺散步有感

寺在太湖縣

別雲文

別崑崙郡丞後舟中遙寄二首

江行雜言四首

舟次秣陵偶感

南州草堂集卷二

吳江徐 鈞電發著

詩豪

古今體

自戊申二月至己酉三月止計五十六首

出門

出門復出門行行畏偏側
落日照河梁遊子澹顏
色峭帆去江東煙波浩
無極漸與徒侶親轉念
故舊隔客行異鄉縣辭
家已昨日不敢寄歸心
但求前路適渺渺問征
途何時轉蓬迹

澣墅夜泊

片帆纔過寒山寺暮雨
蕭蕭畏遠征估客吹燈
依

岸宿長年貰酒對愁傾繞街月黑鐘初斷三匝烏
啼夢未成夜半鄰舟彈渡索聽來都是別離聲

蘭陵道中有懷

忽憶阮亭懷炙句

新城王祠部先生

陳黃鄒董盡風流

其年

雲孫許上文爰

祇緣爲客傷漂泊無計從君慰旅愁前路

猶尋京口樹計程已雇秣陵舟只今月黑東城路

東城天子路孫吳遺迹也

暮雨惟看水上樓

曉發京口

潮回決潏忽聞雞風飽江帆葉葉齊瓜步曉鐘寒
雨歇楚天濃樹濕煙迷已從擊楫悲荒壘更想沈
舟聽鼓輦回首甕城山色遠驚濤猶在海門西

過金山

金山山色壓船窗，城築周遭埵影降。
天塹若教甯得住，潮來鐵鎖尚橫江。

舟過燕子磯作

金陵聚崇岡，徑仄屢洞伏。
江流日夕淡，帆影逼巖谷。
燕磯俯急湍，雲霞媚幽獨。
磯頂冠危亭，勢欲當空撲。
奔浪激天青，噴吼振地軸。
嵐光散奇彩，煙草似新沐。
桅檣出其陰，扣舷聳心目。
緬想鬼神理，絕壁容易鑿。
豈復勞五丁，盤渦儼空矗。
鸛鶴有時驟，屢顧慊幽賞。
舟行嗟迅速，歸欲貌煙巒。
鸛鵲溪絹十幅。

登燕子磯

危磯萬仞鬱嵯峨，吳楚青蒼入望多。
潮壓上流江郭闊，天連平遠片帆過。
景陽兵合鐘初斷，玉樹歌殘水自波。
幾見新亭重灑淚，夕陽終古歎魚蓑。

三山阻風

繁昌縣界

離腸擾擾託征鴻，坐對三山細雨中。
西望漳江通楚豫，東來建業隱滕矰。
春回野草茸茸碧，月黑漁燈黯黯紅。
不分愁心蓬迹轉，橫波無奈石尤風。

過牛渚采石諸山

牛渚千峰江岸直，六朝煙景望中迷。
雨餘樓觀諸天靜，采石布日落魚龍。
萬象低宮錦，當年乘夜月。

絳衣何處避然犀自憐白苧青山在猶有題詩謝

鎮西

白苧諸山在太平府南與牛渚相望

蕪湖晚泊

惻惻春寒叫杜鵑憐余獨上楚江船愁中易醉他鄉酒夢裏難尋故國天燈火微茫諠市語舳艫杳靄接江煙長年又報三更雨坐起披衣一惘然

蠓磯

相傳磯南有石穴廣丈餘爲老蛟所居其穴深叵測

灘危波激磯中立直接岷嶓萬里潮不見老蛟盤石穴祇憑飛燕點蘭橈軒窗河伯通珠闕簾箔鮫人出絳綃千載空傳靈澤廟裴回巨浪錦江遙

有靈澤夫人廟卽吳大帝妹蜀先主妃也

舟中寒食

柳花風急漾長干，藉草無從想舊歡。
九十春光和浪過，一年寒食傍愁餐。
舟前海燕銜飛絮，櫓後江豚拜急湍。
解道停帆遲落日，青山如夢客中看。

雨中莊彥公學博招飲

莊係毘陵人

浙瀝東風度早春，夜寒如水昵愁人。
盤傾苜蓿情偏重，坐久鱸堂話倍親。
故里鶯花勞想像，異鄉風物許誰陳。
不辭酩酊深投轄，來往衝泥莫厭頻。

思江南

鶉鳩聲斷棟花天，魚子腥風灑客船。
最愛楊梅五月熟，櫻桃顏色荔枝鮮。

銅甌楊梅吾郡第一楊南峰先生以爲荔枝勿如也

祝崑崙郡司馬初度

五月熏風吹柳絲，澆空際月榴。綰前輝，芝草繞階砌，披圖覽方岳。曠焉有神契，維昔生申甫。誦詩發長喟，邈哉程先生。芳軌庶能繼，飛蓋皖江陰。兒童竹馬戲，懸弧屆天中。嵩岳表奇異，余未諳祝辭。頌述但微細，感激人所云。士獨重知己，東風二三月。木蘭櫂江濤，細雨濕孤帆。微茫辨雲樹，披褐見先生。先生顏色喜，坐我以衙齋。進我以文藝衣，我以桐葛食。我以甘脆令子與，我歡結交贈蘭蕙。文孫從我遊，弱質多清麗。文壇角兩雄，螯兕拔前幟。余猶礪齒牙，駑馬敢先驥。文成日移晷，署傍自連袂。

先生益開顏丹黃滿側理高論霏玉屑清談雜塵
尾屋內張華筵堂中列芳醕鱗魚堆冰盤銀鱗斫
爲膾翦燭到夜闌歡極每忘醉先生案牘餘更復
饒清致圖史手披閱花木手灌溉作樓齊百尺挂
額看空翠鬱鬱龍山巔夕煙撲簾內余亦好吟詠
登樓望江水蜿蜒回白蚪樹杪魚沫起冉冉梧桐
陰滴滴芭蕉雨仙人王子喬吹簫應共憩何必羨
丹砂雞犬雲中去我聞老氏術靜拙乃養氣又聞
尸樞說以之方形體先生旣靜默亦復習勞勩養
真俱有得喬松差可擬羨門與安期蹤迹多詭祕
只須引常理壽考當弗替

雨中登樓曉望

白
向曉登高樓濛濛楚天失縷煙屋角青絲雨連江

雜感

亂落楊花攪白綿皖江江水綠于煙南朝狎客無人見腸斷聲聲燕子箋

謂阮光祿也光祿有燕子箋春燈謎雜劇

登皖江城樓

危闌曲曲瞰江州兩岸煙螺翠欲浮沙鳥飛回驚客夢雲帆卷入望鄉愁日斜古渡寒蘆積花覆層城碧蘚幽目斷故園人不見何須回首仲宣樓

送程然明歸吳門三首

躑躑他鄉迴自哀大雷岸上幾帆開
憐余爲客傷心易聞說君歸淚滿杯

露濕芙蓉菴晚汀香消蠟散酒初醒
月斜早放孤舟去知隔江山幾點青

秋老垂楊賸幾枝空堂話別雨如絲
歸心一片憑君寄愁煞寒江欲暮時

懷家兄客齊魯聞將至魏博

弟自傷漂泊兄行更黯然一鞭隨泰岱
匹馬度幽燕官舍淒寒雨長河冷暮煙
鄉心各千里歸鴈楚江邊

夢遊天柱峰歌

我昔夢遊泰岱峰手攀日觀摩秦松雲霞出沒盪
海嶠天雞夜叫開空濛我今作客皖江北崇嶢連
江跨絕壁司空天柱聞最奇欲遊未遊盤胷臆夜
涼如水枕高秋鳴蛩唧唧霜華流薄幃蕭疎鑑明
月夢魂飛度凌丹丘丹丘拔地幾千尺下柱金庭
轟空矗山腰片雨雜黑雲山頂微茫見白日我來
倏忽松風邊飛珠噴沫驚流泉恍惚四萬八千頃
直與衡霍相周連西來妙義傳燈續五蘊參同憩
山谷山有山谷寺卽三祖道場也紫燕差池拂玉牀白鸞天矯
飛靈水嵯岬峻壑何縱橫萬山之中山欲崩巍然
天柱撐天表不然天漢東南傾舉首蒼茫山月小

攀磴穿雲歷窅渺石林颯沓風雨來迷離一片鐘聲曉

郡齋雜詠六首

皖江郡齋前人視爲郵舍廳事之外蝸牛滿壁老屋黝黑不可居崑崙郡丞捐俸脩葺構亭臺斬惡木室內安竹牀棐几庭前列茂林修竹一觴一詠居然有濠上之風始信歐蘇章光諸公所至焚香埽地貯泉壘石由其胷有丘壑與俗塵蕭遠耳爲賦六章祈同志和止

白木爲菴靜高齋爽氣餘晶簾因客卷棐几愛窗

虛蔀屋春相借臣心水不如訟庭無一事花落鎮

攤書

右木菴案牘之暇

董文敏書額崑崙嵒輒於菴中讀書

閣迴疑無地高寒入宵冥江流縈樹杪埵影挂疎櫺城郭聲逾靜衙齋戶半扃桐風吹夜月冉冉下

湘靈

右桐風閣是名登眺可見

庭有雙梧閣以江水城闔

沿溪竹筍生官閣小橋橫苔齧防泥滑膠低積水盈涼風吹木末炎暑避初更夜夜倚闌坐披襟對

月明

右東橋敵多風

橋不盈丈地夜於此納涼

過橋踰斷嶺斑籜粉離離雪壓欺千畝雲歸辨九疑石楸坡上下荒徑路逶迤鶴瘦官廚冷逢人映

竹窺

右文竹嶺三丈餘叢生

嶺延袤斑竹

檐角依軒立桐花似雪飄微風醒宿酒半枕敵炎

敵日日消茶椀時時玩藥苗琅玕餘十畝隙地愛

寬饒

右也足亭亭在木菴之前桐陰拂拂可消炎暑前爲藥闌雜蒔花木

極目青無際蒼茫煙靄空雲歸千嶂白帆鎖半江

紅迹是同王粲樓今屬庾公年年陪展齒長嘯月

明中

右來青樓樓高曠覽一郡之勝看江上數峰尤青絕可愛

露坐有懷

蕩子傷離別經年相見稀可知今夜月清淚濕鴛
機

寄陳伯璣

巖壑聞君世外棲雙魚渺渺望中迷愁從湓浦江

濤涌夢想徐亭落日低麟鳳才名欺杜甫義熙年
月愛須溪鍾嶸寥落殷璠杳玉塵風流肯浪題伯幾

國雅詩
輯甚精

寄潘蜀藻

相於惜別落花晨官閣蕭蕭又幾旬亭是涪翁堪
置酒墓憐公瑾怕逢春江邊欲問青絲絳夢裏還
尋折角巾詞賦如君誇九辨秋風應寄紫蘭紉

寄曾青藜

我來皖口君先去未及東風到柳條不是飄蓬憐
短褐誰能詩卷壓歸橈賞音慙奏桓伊笛青藜選
過日集

登余詩
甚夥

作客同悲伍相潮

去年同
客吳門

欲向匡廬尋舊

隱哀鴻飛鴈莽蕭蕭

署樓登眺

高樓百尺俯崇岡官舍蕭疎細草荒文竹嶺開頻
躡屐桐花徑埽共飛觴滿空虹影消殘雨一半江
聲帶夕陽低首青山思謝眺幾乘明月醉匡牀

擣衣篇

紫蘭葳蕤秋婉變銀漢迢迢隔清淺愁聞空外擣
衣聲斷續因風玉階滿玉階夜夜露華流金井年
年梧葉秋乍離團扇閨中恨又織流黃錦上愁流
黃錦上裁刀尺雙翦鴛鴦憐比翼忽聞南國女郎
砧坐憶交河征戍客交河冰斷夜無聲砧杵秋高

不絕鳴愁見白榆橫碧漢因拋紅淚濕前楹蘭膏
夜熱前楹暗桃笙翠簟湘簾展響急如流長樂鐘
聲煩似擊漁陽慘漁陽飛鴈自年年碣石瀟湘路
八千遙憐此夕機中婦羅幌應悲夜月寒

江北早鴈

微聞嘹唳夢初酣破衲沙頭影共涵非爲稻粱謀
斂翼肯辭霜霰集寒潭纔逢砧杵聲悽惻猶隔瀟
湘水蔚藍怱悵故園書不至銜蘆應早到江南

太平寺

寺有亭趙
太守新築

太平寺裏經行處太守新亭覆竹枝何似平山堂
下路風流千載繫人思

秋盡走馬尋皖江諸勝

偶然走馬到花宮，又見垂楊舞碧空。
一埵江邊橫晚照，四空亭下起秋風。
魚鉤著網炊煙白，獵火燒山古寺紅。
回憶前朝多戰伐，誰從衰草弔孤忠。

宣墓已荒沒矣

九日遣懷

九月九日官舍清，一杯細酌愁更迎。
黃雞紫蟹各無賴，把酒登高空復情。
吹帽何曾嫌髮短，授衣轉覺畏寒生。
茱萸插遍無消息，鴻鴈那從此地鳴。

寒夜署中觀劇卽事四首

銀箭銅壺夜漏傳，微添鳳腦撥鷗絃。
玉山人意迷

離甚可是樊川被酒年

回眸斂笑態慙生舞罷毵毵紅燭明休把檀槽齊
拍按江州司馬不勝情

感慨淒涼調不同銀箏鐵板唱江東舊人縱有何

歡在此地曾無南九宮

江北無
崑腔

撩亂閒愁易斷腸年來瘦盡沈東陽那堪此夜情
如水却忘飄零是異鄉

家書至

經秋望斷平安報忽接家書轉自哀二頃已知漂
巨浸三喪痛未翦蒿萊翻憐兒病從師誤不見兄
遊作客來

家兄北遊
事阻不至

只恐殘年尚畱滯歸期數被

舉家猜

懷葉元禮客眞州

前年君向燕山別胥臺楊柳未堪折逶迤聞作梁

園遊馬蹄踏徧層冰裂吳生歸來述相逢

虞升短也

書磨滅出袖中長安自歎酒徒盡期余同醉燕昭

宮余時偃蹇甘蓬臥忽廢蓼莪淚雙墮西華葛帔

日淒其錯莫求人無一可今年挾瑟皖江遊飢驅

忍爲故人羞廣平先生書又至

謂旣庭師

言君南下客

眞州男兒淺落恆漂泊總爲羈棲怨離索相思夜

夜暮潮生揚子江邊風浪作

署中除夕和少陵杜位宅守歲韻

爲客一年盡更殘燭自花逡巡頻泛蟻嬾漫欲塗
鴉旅鬢先春換東風隔歲斜故園愁入夢爛醉慰
天涯

己酉元旦

故里新年意未諳梅花偏向客中揆春盤細翦看
猶綠官酒頻斟竟欲耐摘臘葡萄顏帶紫劈分蘋
果味全甘席中薦鮮葡萄蘋果芳香可愛昨宵歸夢逢人說雲物
他鄉總不堪

真乘寺散步有感

寺在太湖縣

廢寺殘碑鎖綠苔客懷羈寂好誰開欲追勝事尋
仙迹司空山中有八仙棋局先覓真乘上講臺雲起司空回

翠壁天連衡岳壓黃梅

地與湖廣黃梅接界

不堪指點前朝

事猶有胡僧話劫灰

僧言張獻忠破城之後寺被殘燬今殿基餘瓦礫

別雲文

雪消三尺響流澌回首長吟送別詩
春水一江昏似墨與君好記斷腸時

別崑崙郡丞後舟中遙寄二首

江州司馬濕冰絃雪色苔箋劇可憐
浣筆桃花春水漲橫波絕唱到吳天

崑崙送余爲吳吟十首

春雨昏昏歷遠邨
皖公山色謝公墩
推篷細聽江流響
猶向衙齋繞夢魂

江行雜言四首

江柳含煙乍綠桃花近水初紅兩岸翠螺濃澹却
疑人在畫中

蕩槳黃波沫起長年峭帆過水江豚拜浪還風石

燕銜泥乍雨

江中使艤人云凡黃波沫起必有大風

沙嶼春風習習江天花霧濛濛推篷坐失清曉但

聞人語空中

斗大孤城江岸野花的歷危磯舊事猶傳故老江

南景物全非

版子磯一名鵲起磯景物幽勝上有孤城黃將軍禦左寧南時所築

舟次秣陵偶感

湖上誰人唱莫愁西風建業水東流空餘一片南

朝月猶照秦淮古渡頭

南州草堂集卷三目錄

古今體詩

渡江二首

揚州

舟中食鱗魚

紅橋二首

淮行

旅中喜逢潘子大耕惠子元龍

黃河口畱別潘惠二子

五月廿二日阮亭王先生招同婁東吳正求

進士和州戴鷹阿山人清江浦署齋讌集

卽事

至張秋與李別駕話舊

歌贈魏郡丁別駕

飲馬旻徠主簿揚舫館賦贈

天雄感遇

雨後過黃主簿齋同星期共話戲簡

聞聞古古客魏郡余至訪之三日前往邯鄲

矣遙寄一絕

中秋飲經淵秋澗官署因憶去年此夕客皖

江今又將之濟上慨然志別

天井牖舟中逢吳門友人南還

陸吳州水部招同丁葑園祠部任城署園小

飲卽事次葑園韻三首

九日南池旅懷和葑園韻二首

任城旅店飲葑園祠部

鉅野道中

贈濟寧鄭確菴孝廉

醉後酬姚江何子時客任城河署

濟上送葑園南還

河署老槐吟和鄭確菴韻

義虎行爲牂牁守王古亭賦

并序

登挂劍臺

聊城

歲暮同麻城李鵠山夜坐

荅別鵠山

庚戌元夕宿東平州

草橋風雪卽事

汶水

太白樓

正月二十日送經淵還里茲寄家兄

寫家書楷尾繫一絕句

岱宗積雪

登白雪樓有懷滄溟先生二首

趵突泉和前人韻

由青駝寺至嶽嵯

早發堵莊

登蓮華峰絕頂

在新泰縣

沂水有懷

閏花朝

海棠

清明二首

泰安使院中讌集分賦

桃花

歷下吟

臨沂署中飲海棠花下

塗中見棗花

哭方爾止二首

東阿道中弔陳思王墓

曲阜謁聖廟

謁孔林

濰口

去濟南府城十里

禹廟

寧陽縣汶水傍

平原道中

送侯大年還江南

慈仁寺雙松歌

十峰草堂歌

聞鴈

衛爾錫太史招飲示次耕二首
歸塗宿紅花鋪次壁間韻

南州草堂集卷三

吳江徐 鉉電

詩彙

古今體

自己酉四月至庚戌十月止計七十四首

渡江

隔岸看瓜步殘陽一片明
潮回揚子槎山隱潤州
城雁自隨風斷鯨猶帶浪
迎來朝廣陵路不盡故
鄉情

擊汰江心裏經年雨度過
只因輕旅食遂使狎風
波塢影中流見檣烏斷岸
多衆喧爭落日回首駭
盤渦

揚州

牙帳曾聞擁上游繁華今古問揚州
迷樓去後惟衰草瓊觀空時賸玉鈞
風起寒潮悲鼓角日沈戰壘憶貔貅
可憐一片寒塘月照徹青鱗宿莽稠

舟中食鱖魚

鱖魚纔出水潑潑帶潮痕裹飯江船濕
炊煙桐甑昏已堪膏玉箸便欲倒銀尊
恰共櫻桃至能無憶寢園

紅橋二首

酒樓楊柳碧絲絲惱煞紅裙舞柘枝
畱得狂名偏薄倖至今猶說杜分司

謂樊川
青樓夢

轉過青帘便版橋
船窗草閣雨蕭蕭
蕪城一片寒煙織
流水何人問六朝

淮行

藕花蕭瑟野塘幽
五月淮行氣似秋
橋市魚蝦爭換酒
水田芋栗半盈舟
雲移楚甸孤帆冷
樹老隋隄片月留
莫向韓祠怨衰草
漢家陵廟已荒丘

旅中喜逢潘子次耕惠子元龍

與汝三年別
驚看似夢中
鬢毛非老大
蹤迹總飄蓬
客路嗟能慣
鄉書喜暫通
可憐一杯酒
明日又西東

黃河口畱別潘惠二子

落日黃河口天風散客裳殷勤懷短策珍重戒行裝送我自厓返看君引淚長最憐分手易獨立幾蒼茫

五月廿二日阮亭王先生招同婁東吳正求進士和州戴鷹阿山人清江浦署齋讌集卽事

濟南先生天人姿清淮召客傾玻瓈吳鹽越蠶斫玉脰冰桃雪藕嘗銀絲我昨來過揚子渡廣陵寒潮春已暮竹西亭畔想風流依稀太守平山路先生今爲尚書郎含香出入隨明光官家椎錢水衡急手持絳節來清江憐余總角耽詩句時流粉黛

都無取漁洋天半砥狂瀾

先生詩名漁洋山人集

揆奇髣髴

侯芭趣余師甫里解愛才

詩甫草師

攫之上馬京國來

同時吳郎調不惡

吳子虞升

先生一見誇龍媒論文更

有汪比部

鈍翁先生

昌黎廬陵差足數志業千秋不可

當每呼小爻倚庭樹余聞感激淚霑臆齒牙喜借

增顏色昨歲空附皖江書秋風幾度脂南國只今

飢驅等飄蓬敝裘蒙茸來江東感公置酒召我語

得聆唾咳生春風吳君舊是金閨彥隱囊紗帽人

爭羨

謂正求

小戴仍誇老畫師丹青粉本傳看徧

阿唯余末座歎逡巡年年搖落滯江濱每思一飯

報知已韓侯臺下猶酸辛

至張秋與李別駕話舊

最愛親朋好偏從宦海看艱難
紫綬離別損征鞍鬢拭霜華
澹帷拳雨露寬俸廉勞解橐豈獨媿盤餐

歌贈魏郡丁別駕

燕南紫陌花無數回車壘版紛相互道上曾無楊
叛兒行人解唱丁都護北門郡守我故親十年不
見追苦辛懷中短刺半磨滅
蒯緱欲拂猶逡巡多君與我乍相見
須臾便欲羅芳讌忽憶古來一飯
恩相知何必曾識面以茲激烈
摧中腸嬌歌急管舉百觴燈紅
酒綠人皆醉而我獨立悲蒼茫
朝來

裏書寄蕭寺鐘梵沈沈雜煙霧紅蕖難題謝客詩
碧雲已擬惠休句君今道諠邁等倫豬肝豈復更
相循但逢拄頰看山日請召羈棲挾瑟人

飲馬旻徠主簿揚舩館賦贈

吏隱蒿萊僻浮名敢棄捐桃花春未漲精衛爾猶

填

旻徠前任江都今壽張俱管河事方挑濬

志自憐初服烹能試小鮮

盤中無苜蓿翻憶舊青氈

旻徠三任廣文

天雄感遇

嘉樹畏嚴霜疾風靡勁草人心本澆漓不足喻魯
縞伐木響丁丁谷風淒浩浩生者猶如此死者那
復道斃楚西華兒葛帔易涼燠華素旣驟分敢望

振枯槁孝標詵風雪斯人已縣邈矢志勵前脩秋
風發長嘯

雨後過黃主簿齋同星期共話戲簡

殘雨街猶滑借騎官馬來人應憐舊好竹反愛新
栽山鬼宵仍見蜃樓望或開偶因狂醉後便欲翦
蒿萊

聞閩古古客魏郡余至訪之三日前往邯
鄲矣遙寄一絕

笑脫雙丸顰射鵬蹉跎白髮認前朝廿年牢落江
湖夢夜夜雲漢豫讓橋

中秋飲經淵秋湄官署因憶去年此夕客

皖江今又將之濟上慨然志別

昨歲江邊路冰輪寢玉盤
可憐今夜月又向客中
看人影蒼茫共離愁去住難
天涯歸興動鱸膾未
應殘

天井牖舟中途吳門受人南還

牖口奔流共泊船寒篷夜語淚淒然
故人儻問余消息爲道朝朝被酒眠

陸吳州水部招同丁葑園祠部任城署園
小飲卽事次葑園韻三首

官舍開尊夕疎簾過雨時酒豪追北海
逸興續南池隔竹碁聲細窺庭鶴影遲
醉歸猶著屐莫忘謝

公期

紅燭窺人短詩瓢向客揆才情空冀北煙月勝江南
拄笏耽幽壑彈琴響石潭維摩元善畫優鉢喜

同參

水部畫山水絕工

陸賈偏能賦

水部出示所著吳陵賦

丁儀思更新青山堪愛

客白眼倦依人促坐論詩密高歌對酒頻秋風江
上急煙雨憶垂緡

九日南池旅懷和蔣閣二首

九日登高候南池旅鴈初壯懷心未短旅食計全
疎覓醉千鍾酒緘愁一紙書無人看落帽吹鬢待
何如

已是逢搖落那堪旅思長斜風吹短鬢細雨入重陽
白苧先秋老黃花候晚涼鄉心憑鴈寄絲淚不成行

任城旅店飲葯園祠部

幾回沙塞夢風煙逆旅重逢一惘然潘令鬢消息
故國子卿頭白想丁年東岡舊恨題華表飛濤居
遼東有
東岡集南部新詞託管絃葯園爲雜
劇自寓耐可一錢畱不
住應教入市憶青蓮

鉅野道中

歎息吾生拙頻年作遠遊計程悲逆旅屈指信清
秋枯樹橫沙岸殘陽挂敝裘煙霜何處宿茅店且

淹留

贈濟寧鄭確菴孝廉

靈光魯殿推耆舊異代修名委逝川賦就西京增

涕淚夢來南國憶風煙

乙酉西確菴避亂江左入史相國幕

肯容華

髮羞潘岳賸有狂名老鄭虔話盡風波三十載回
看滄海幾成田

醉後酬姚江何子

時客任城河署

霜風夜度魯門秋絮語尊前燭影浮座有禰衡堪
作賦人非供奉罷登樓

約登太白樓不果

花邊送老偏能

惜醉裏當歌豈易儔却笑飄零綠底事何年同解
黑貂裘

濟上送藥園南還

霜落秋空葉正飛，客中送客淚霑衣。
廿年不見嗟亭伯，此日重歸識令威。
去國尚憐櫻筍熟，還家爭及蟹螯肥。
六橋煙水原無恙，投版從今買釣磯。

河署老槐吟和鄭確菴韻

秃槐巢鶯鶯更秃，山鬼嗟呀儼森肅。
曾子祠堂址半圯，廢爲河署風謾謾。
只畱老槐幾百載，根蟠佶朽其腹正。
學先生此讀書裏，琴匣劒稱私淑。
曾子祠明初正學方先生從父濟寧守讀書於此後改爲正學書院
啼兩旁茅舍吏人宿，銅幹年年皓月侵。
霜風夜夜悲喬木，秦松漢檜更蒼茫。
但聞四野白楊哭，何得

此樹無摧戕風起颼颼千尺瀑靈光魯殿亦徒然
老槐老槐覆牆屋我來歌嘯坐其下緬懷往古心
蕭械摩挲日夕猶裴回奇姿幸得一騁目嗚呼奇
姿何幸得騁目

義虎行爲牂牁守王古亭賦

楚江黃間有王古亭者性好俠爲左寧
南重客結交傾天下豪俊嘗一夜散千
金立盡一日於漢口風雪中拯一人灰
且罄囊貲給之相與往來後古亭令龍
巖值海氛大作登陴血戰其人乘間竊
帑數千金以遁古亭坐是十年不遷作

看劍行酒酣耳熱倚楚聲歌之音調激
越坐客髮豎背裂有願爲之擊殺負心
者古亭喜輒散金與之客得金又亾去
古亭益重困數年其人復至榕城爲虎
所攫擲林箐間不食第斷其首若爲古
亭雪恨者衆收其尸焚之獨心不燼如
刀戟然噫亦異也古亭命余作義虎傳
遂爲長歌以繫之云

且莫歌猛虎行且莫談中山狼君不見王君結客
誇身強白璧一雙酬士死挽弓射獵南山岡生劈
黃麋食狡兔揆丸走馬知無數誰是梁園舊狗屠

結交翻被黃金誤，誤盡黃金肝鬲銷。朝持手版暮
吹簫，唾壺擊殘如意缺。引杯看劍猶雄豪，瘴雨蠻
煙暗海國。十年負心今始得，不因匕首淬囊中天
遣豺狼與虎食腥風，亂血灑平蕪。齧絕心肝暴道
塗折脛，斷脰義不食。應高楚國穀於菟，從此羣歌
劒南虎。負恩人首恣吞吐，持却男兒一片心。烈士
聞之顏色阻。

登挂劍臺

千古論交地，如君能幾人。浮雲看變幻，消息走風
塵。劒去土花碧，魂歸墓草春。荒臺頻繫馬，灑酒自
傷神。

聊城

聞說聊城箭曾傳燕將書孤危忠乃見反覆志安居但計奇功就終成霸業餘未因蹈東海國士豈關渠

歲暮同麻城李鵠山夜坐

把酒消殘臘相逢各異鄉齊看天外雪盡點鬢邊霜客久誠何意時危未敢狂艱難今若此淡悔出柴桑

荅別鵠山

瘦驢黃葉出無端莫怪宵溪旅客寒襪被自甘從我老綈袍元不戀人看風摧沅芷哀能賦霜薄吳

鉤梅浪彈唯願強畱心骨在他時橫海一登壇

鵲山

志大才雄從軍萬里落魄歸來天涯遊俠所著劔亭草有不分年來緣底事只將心骨取時憐之句

庚戌元夕宿東平州

忽忽逢佳節匆匆旅舍看明燈燒積雪酤酒敵春寒風緊鈴聲碎宵長旅夢殘遙憐小茅屋誰與話團圓

草橋風雪卽事

風雪已如此逢人問草橋驢尋荒徑沒鴉點暮煙消不斷流澌急連空樹影遙欲投前路宿寒色暗征袍

汶水

屢從汶水過去去復潞河一注分南北千年信往
來汶水至分水龍王廟南北分流荒楸古驛暗殘碣廟門推尚憶
尚書力神功爲鑿開謂宋尚書禮也

太白樓

俱奉層樓雉堞荒登高一望思蒼蒼林疎古嶧煙
霜淨隄引洸流襟帶長賸有池塘同杜甫已無杯
酒對知章壯懷牢落空千古歷亂殘碑臥夕陽

正月二十日送經淵還里竝寄家兄

一紙煩君寄言旋慰老兄幸能身體健但是客愁
縈世事羞干請人情簡送迎買山如有約歸計只
躬耕

寫家書楮尾繫一絕句

蕩子欲歸歸未得年年望斷錦江魚憑將一幅桃花楮寫盡春愁水不如

岱宗積雪

旋轉松梢舞玉龍飛飛瑤闕恰當空半痕峰頂雲初白萬頃雞聲海欲紅大塊虛無連混沌高巖一氣闢鴻濛誰能直步青霄上長嘯平臨萬壑東

登白雪樓有懷滄溟先生二首

詞賦千年事高名指顧間樓空存白雪人去只青山宿草埋荒碣寒泉照客顏先生如可作我意欲追攀

蓋代才名著都因盛世問斯人不可見志業已千秋
秦岱風雲急滄溟日月浮論詩喜相訾却笑撼
蚍蜉

近時巨公排擊滄溟不遺餘力非蚍蜉撼大樹耶

酌突泉和前人韻

平地蛟龍到也無誰將地軸轉冰壺忽看灩澦濤
同壯翻恐星河水欲枯煙雨分來華不注秋風吹
落鵲山湖可憐一片題殘碣只有樓頭白雪孤

白雪樓
在泉上

由青院寺至鰲嶽

高低憑石亂雲破萬山堆漸覺蒼巒峻因知海日
來過橋凌絕澗下馬潑邨醅放眼看山色山花處

處開

早發堵莊

聯鑣剛出郭，恰喜乍晴天。山雪陰猶積，天桃色未鮮。夕陽斜處好，寒食澹相連。暗憶江南樂，風花絕可憐。

登蓮華峰絕頂

在新泰縣

鳥道千盤出，回巒一片晴。蒼藤緣澗墜，石筍與雲平。峰勢蓮華掌，龕從古佛名。下山清磬發，回首悟無生。

沂水有懷

地近鸛莊澤筆池皆右軍遺迹

東風作暖柳花香，吹送琅邪大道傍。不見烏衣憐

馬糞空傳社火出，鷺莊數堆鴉點翻。
殘堞一帶寒沙走白楊，澤筆池荒人已去。
誰從陳迹問蒼涼。

閨花朝二首

二月已過春去半，夢魂狼藉客愁長。
早知花事還逢閨，不遣東風費較量。

雨度花朝兩橈天，弄晴作雨總堪憐。
繁花不解愁人意，翻道他鄉不醉眠。

海棠

紗籠曉日鶯啼樹，煙鎖春愁淚滿枝。
何事草堂癡杜甫，西川當日不題詩。

清明二首

佳節他鄉渾似夢晴煙官舍細如絲十年春恨無
人問只寫江南腸斷詩

顏垣處處野棠生春月春花總繫情不是人家插
楊柳那知今日是清明

泰安使院中讌集分賦

節使乘春控紫騮一時賓從盡風流歌翻子夜梁
園雪響入行雲泰岱秋自有清尊傾北海豈無名
士重南州葡萄百斛休辭醉客裏風光爛熳收

桃花

已判春色都歸去誰遣桃花滿樹開剛許客愁潤
一半東風又過短牆來

歷下吟

飯牛懷昔賢長歌氣蕭槭白石何齒齒清泉何脈
脈舉首空蒼茫終古片山碧俯仰歷下城泱泱號
大國滄海日夜浮泰岱齊魯圻暫來止稷下倦羽
憩孤客暮飲薄稀熬朝食厭小麥風土亦云殊胃
懷頗塵劇放眼觀明湖荇藻水空積更有趵突泉
水勢實奇特譬之人鬱紆借以發憤激我來聊褰
回觀此三太息騏驥畏羈絏神龍苦蹙踏何時刷
鱗羽長嘯天地割微吟叩角歌慷慨猶似昔

臨沂署中飲海棠花下

花鬚細數花將老花老愁人可奈何煙鎖翠幃嬌

未起雨添紅暈濕偏多我欲醉花花已醉枝頭點
點胭脂淚憑闌不語隔窗紗怕見東風損顚顚樹
上鶯啼宛轉嬌筵前客散舞衣飄誰鋪蜀纈紅于
綺明日還須折簡招

塗中見棗花

蹋徧長林細細香微聞小棗隔林芳抽條自鎖朝
煙緣綴葉偏空夕照黃花似珠蘭傳習秀人如旅
鴈未回陽塵塗對此全消暑何日茅堂坐晚涼

哭方爾止二首

忽得青谿信驚傳竟失君冶城淒宿草鍾阜隱寒
雲河朔人何在元和體自分龔山三十卷誰與讀

遺文

爾止氣類河
朔詩宗元白

昨歲相逢處京江萬歲樓君今湘水沒我尚岱雲
留爾止遊楚
沒於途中失路誰青眼還家少白頭雙魚曾託
訊到得皖江不

別時曾以數行頻
寄安慶程郡丞

東阿道中弔陳思王墓

廢冢陳思宿草湮空餘轍迹照殘春雀臺香粉終
零落何事當年賦洛神

曲阜謁 聖廟

天地有顯晦至德無今古大道應在茲斯文誰與
伍我來瞻闕里遺廟備鐘鼓日月當軒明河漢緯
中土未敢入堂奧俯仰僅廊廡邈哉絃誦風豈獨

被鄒魯欽崇百王師千載獨尊俎

謁孔林

既登闕里堂旋步遊孔林豐碑齊日月檜栝埋陰
森微聞草木香似聽絃歌聲洙水自縈洄文運千
年興整衣載膽拜冀復通精靈回岡互龍從隱隱
凌百城何須尋地脈聖德本高深

樂口

去濟南府城十里

水氣花香戶晝扃四圍涵照落空青
嵒湖一片朝霞起十萬芙蓉散歷亭

秧鉞插水繞溝渠細細鷓鴣泛碧虛
十里香風吹不斷人家都傍藕花居

禹廟

寧陽縣汶水傍

禹廟汶河北驚沙走急湍如聞乘橈舉疏鑿出蟻
吮螭蝕苔痕澀龍腥水氣寒裴回遺像下髣髴見
安瀾

平原道中

短衣匹馬驅殘暑正值平原古道中縱有趙家門
下士誰能一劒斫西風

送侯大年還江南

時大年欲再至山東

黃沙吹風暗京國行子對面不相識躑躅難尋故
舊歡終日城南望城北忽逢侯生市上來駐馬相
攜飲百杯十年傾倒足懷抱長安富貴何有哉怒

馬高車去如駛五侯七貴今如此落拓誰畱一布
衣羈棲且共居蕭寺蕭寺論詩畫掩門每當風雨
坐朝昏一飯未曾遇知己何況當年國士恩余昨
偶從山東來君今又向山東去回首方思泰岱雲
別離無那燕臺樹燕臺樹下淚如綫此行羨子歸
鄉縣閣上如逢揚子雲道余挾策猶貧賤謂旣庭師也

慈仁寺雙松歌

我昔曾遊泰岱間泰松漢柏相追攀霜皮剝落幾
千載雷雨晝黑垂空山我今走馬慈仁寺便欲追
尋憐好事金元遺迹雙樹存未知何人始位置天
鷲駕風正北來蚪龍倒影拂蒼苔白日沈沈不照

地靜聞竽籟，猶悲哀。長安棟梁盡，材傑獨爾隣。
凍欲裂慘澹，雖遭風雪欺。槎牙不受煙霜折，吁嗟
此松何拳跼。豈逐疎頑灰，巖谷安得商。山四老翁
長歌與汝紫芝曲。

十峰草堂歌

爲錢健日
先生作

十峰草堂九峰側，蒼藤欲落崩厓石。溪轉微聞菡
萏香，堂開倒震琉璃碧。草堂先生復好遊，芒鞋竹
杖乘清秋。揆奇每思過五岳，攬轡直欲凌滄洲。今
秋邂逅長安寺，回憶當年曾問字。松菊依稀三徑
存，一峰何爲遂安置。先生性癖山水幽，往來丘壑
胷中收。玉山頽然無乃爾，此意今人得解不便與。

先生急呼酒丹厓翠壁落吾手忽覺濠梁來惠施
安排不用尋莊叟嗟余草堂澈浦東荇花菱葉隨
空濛自從棄置甘浮梗猿啼鶴怨徒悲風何日相
尋草堂裏呼石漱齒還洗耳漢西東屯花木深此
生痼疾煙霞起

聞鴈

霜落肯留此天秋畏北飛避寒辭玉塞將夢到金
微影入重雲見聲隨擣練稀清宵愁獨立聽爾一
露衣

衛爾錫太史招飲示次耕

客院秋風落閒逢折簡時碧山傳舊草紅藥續新

詩鴈影衝寒急花光裛露遲潘安猶有賦可待鬢
成絲

柱笏邀西爽開尊倚暮樓雲深宮禁月煙鎖郭門
秋低落基聲細高飄鳳吹幽相逢判盡醉洗馬莫
言愁

歸塗宿紅花鋪次壁間韻

疲驢阜帽恰相當回首風塵底事忙歸夢欲從今
夜穩還疑前路是他鄉